



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Imago saeculi XVII. ad annum huius saeculi X. producta**

**Neuhusii Paderbornae, 1710**

Annus 1709.

**urn:nbn:de:hbz:466:1-29436**

quorum etiam complures in fuga carpit. Ganda-  
vi demum & Brugarum recuperatione hic annus  
clauditur, & milites in hyberna dimituntur.

Hamburgi intestinum civium dissidium à Cir-  
cularibus copiis sopitum, cogiturque urbē 2000 pe-  
ditum, & trecentorū equitum præsidium admittere.

Compositis ex voto cum Cæsare controversiis  
Carolus Rex Sueciæ, redit in Poloniā, Stanis-  
laum ibidem firmaturus. Inde in Moscoviam  
Ezarium si superis placet regno pariter exuturus.  
25 Jul. cum Mosco confligit, pari fermè utrumque  
clade, nisi quod locum prælia obtinuerint Sueci.  
In Finnia Schlippenbachius à Moscis cæditur, ca-  
pitürque. Majorem etiam cladem patitur à Gene-  
rali Baue Moscis imperante Comes de Löwen-  
haupt, ad Regem cum 15000 properans: ita nam-  
que deletus est, ut ipse cum 1000 ægrè evaserit.  
Suecicus Generalis Lübecker ex Ingermerlandia  
celeri se fuga proripit, adventantibus Moscis, con-  
fossis priùs equis, ne hosti cederent. Hæc initia  
fuere victoriarum Ezarii

*ANNO 1709.*

**R**omæ Pontifex 27 Jun. Carolum III. Hispa-  
niarum Regem agnoscit. Mittit quoq; Vien-  
nam Nepotem suum ablegatum.

In Pedemontio alter exercitus alterum obser-  
vando tempus terit. Districtum Vigevano in Du-  
catu Mediolanensi prætendit Sabaudus: de cuius  
postulatis ut inquirat, mittitur Mediolanum Epi-  
scopus Quinque Ecclesiarum. Itque jam rumor  
eum Sabaudio deferendum, renovarūmque cum eo  
triennale contra Gallos fœdus.

*In*

In Hispania moritur Cardinale Portocarrero, Archiepiscopatum ejus Philippus suæ Factioni vendicat , petitque à Pontifice Carolus suæ Arcem Alicante diu renitentem: 17 Apr. ditione tandem capit Comes de Asfeldt Philippus ut animos suorum sibi conciliet , Gallicum remittit exercitum, militémque Hispanum conscribit. Staurenbergius supremus Caroli Bellidux Balaqueram intercipit , militique in Arragoniæ finibus hyberna designat.

Ulyssipone Rex ex cataphoro pejusculè habet, exercitus mutuis hinc inde excursionibus alter alterum inquietant.

In Germania Cæsareus Generalis de Thüngen diem obit. Generalis de Mercy ad fines Helvetiæ cæditur à Comite de Bourg , amittitque aliquot suorum millia.

In Belgio Gallus pacem petendo, protrahit anni hujus expeditiones. Subscribunt articulis præliminariis Fœderati , vi quorum Philippus omni Hispaniâ cedere , & Rex Galliarum Argentoratum, Dünckercam, aliaque loca intra bimacrum redire jubetur, tum demoliti: at rescinduntur à Galdis: unde Eugenius cum Marleburgo exercitum cogens, simulansque Gallos probè munitos aggredi Tornacum obsidet 26 Junii , capitque urbem i. arcem 30 Aug. Inde Montes Hannoniæ discedit, unde cum avertere Fœderatos parant Galli, ad oppidum Bavais rejiciuntur magna utrimque elade. Galli in cæsis & læsis 15000 numerant , & in postremis Villarium supremum exercitus Archistrategum. Germani ad 20000, captis 17 tormentis. Victoriam à Fœderatis stetisse eventus dedit , nam & lo-

& locum prælii diem integrum occuparunt , & Montes post brevem omnino obsidionem subjugarunt, unde exercitus in hyberna dimittitur.

In Moscovia Rex Sueciæ insolentior Czarium throno dum conatur dejicere , omnem propè in prælio ad Pultuam amittit exercitum. Rex ipse vulnerat<sup>9</sup> cum 15000 sub Generali de Loyenhaupt fuga salutem quærit, quam ipsè quidem invenit cum 600 suorum in arce Furcica Bender ; reliqui verò, 9000 Moscorum millibus sub Principe de Gallizin & Generali de Baur insequentibus , sese dedunt. E Generalibus, &c. Suecicis capti Reinschmidt, Loyenhaupt, Stackelberg, Wirtemberg, Piger aliquæ maximo numero, Rex ipse an supersit, sunt qui dubitent.

Usus eâ occasione Augustus Poloniam repetit, & Optimates plerique sua Regi deferunt obsequia.

Rex Daniæ bellum Suecis indicit & in Peninsulam Schonen nemine resistente exponit exercitū.

Pacem Galliæ per necessariam tum ob annonæ, tum ob nervi bellici defectum, in annum tamen sequentem videntur rejicere , spe Fœderatorum per bellum septentrionalē distrahendorū, ingemiantibus interim aliis **PAX PAX,**

**& non erat Pax.**